

Broj: 07-45-4-2270-2/2024
Sarajevo, 05.07.2024. godine

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
PREDSTAVNIČKI/ZASTUPNIČKI DOM
Predsjedavajući/Predsjedatelj
Ul. Hamdije Kreševljakovića br. 3
71000 Sarajevo**

Bosna i Hercegovine
Federacija Bosne i Hercegovine
**PARLAMENT FEDERACIJE
SARAJEVO**

Primljeno: 05-07-2024			
Org. jed.	Broj	Priloga	Vrijednost
05/1	-02-	345	/24

PREDMET: Odgovori na zastupnička pitanja, *dostavljaju se*
VEZA: Vaš akt, broj: 05/1-02-345/24 od 21.06.2024. godine

Poštovani,

U skladu sa Vašim aktom, broj i datum veze, blagovremeno dostavljamo odgovore na dva zastupnička pitanja, a koje je postavio Sanel Kajan, zastupnik u Predstavničkom domu Parlamenta Federacije BiH, i to kako slijedi:

1. Finansijsko-informatička agencije (u daljem tekstu: FIA) je osnovana Zakonom o Finansijsko-informatičkoj agenciji („Službene novine Federacije BiH“, broj 80/11) (u daljem tekstu: Zakon o FIA-i), gdje je članom 4. pomenutog Zakona propisana djelatnost FIA-e, odnosno poslovi koje FIA obavlja. Nadalje, navedenim članom stav (2) Zakona o FIA-i određeno je da se za obavljanje navedenih poslova naplaćuje novčana naknada koja je prihod FIA-e. Na osnovu člana 3. stav (1) Zakona o Registru finansijskih izvještaja ("Službene novine Federacije BiH", broj 7/21) (u daljem tekstu: Zakon o Registru) propisano je da je FIA ovlaštena da prikuplja, evidentira, obrađuje, arhivira i javno objavljuje finansijske izvještaje i podatke iz finansijskih izvještaja u skladu sa propisom o računovodstvu i reviziji, ustupa pravo na korištenje podataka iz tih izvještaja, kao i da upravlja bazama podataka i osigura zaštitu baza podataka i dokumenata koji su arhivirani. Članom 4. Zakona o Registru određeno je da su korisnici podataka iz Registra finansijskih izvještaja: federalni, kantonalni i organi jedinica lokalne samouprave, statistika, poslovne banke, porezna uprava, berze, privredne komore, regulatori na finansijskom tržištu, pravna i fizička lica i drugi korisnici, u skladu sa zakonom, dok je članom 11. istog Zakona utvrđeno pravo korištenja podataka iz Registra, te je s tim u vezi propisano da se isključivo Poreznoj upravi i Federalnom zavodu za statistiku ustupa pravo na korištenje podataka iz pojedinačnih finansijskih izvještaja kao i podataka za statističke i druge potrebe, bez naknade.

Odredbom člana 13. Zakona o Registru je određeno da naknade za obavljanje poslova iz čl. 9.,10. i 11. predmetnog Zakona utvrđuje FIA uz prethodnu saglasnost Vlade Federacije BiH. Shodno navedenom, a u skladu sa članom 16. stav (2) Zakona o FIA-i, Upravni odbor FIA-e je donio Odluku o visini naknada za usluge iz djelokruga rada Finansijsko-informatičke agencije („Službene novine Federacije BiH“, br. 20/22, 56/22, 22/23 i 21/24) na osnovu koje su definisane i precizirane naknade, konkretno i visina naknade za usluge ustupanja prava na korištenje podataka iz Registra finansijskih izvještaja.

Naime, nakon završenog prijema i obrade godišnjih finansijskih izvještaja obveznika predaje istih, Upravni odbor FIA-e donosi odluku o utvrđivanju standardnog izbora podataka iz Registra finansijskih izvještaja, na osnovu koje se odabiru podaci iz obrađenih finansijskih izvještaja obveznika izvještavanja iz Registra finansijskih izvještaja, pogodni za ocjenu imovinskog,

prinosnog i finansijskog položaja pravnih lica, a sastavni dio navedene odluke čine taksativno pobrojane AOP pozicije, koje zapravo i predstavljaju standardni izbor podataka.

Pored pomenute odluke, a shodno članu 5. stav (3) i članu 12. stav (1) alineja 2. Zakona o FIA-i, te članu 11. Zakona o Registru, kao i članu 5. Pravilnika o uslovima i postupku ustupanja prava na korištenje podataka iz Registra finansijskih izvještaja („Službene novine Federacije BiH“, broj 105/21 i 22/23) (u daljem tekstu: Pravilnik), na web stranici FIA-e objavljuje se i obavještenje na osnovu kojeg se pozivaju sva pravna lica koja su zainteresirana za učestvovanje u ustupanju prava na korištenje podataka iz Registra finansijskih izvještaja o broju zaprimljenih, kontrolisanih i obrađenih godišnjih finansijskih izvještaja privrednih društava, te se informišu o obavezi dostavljanja zahtjeva za ustupanje prava na korištenje podataka iz Registra finansijskih izvještaja, a koji se, također, može pronaći na internet stranici FIA-e.

Nadalje, na web stranici FIA-e objavljen je način korištenja dokumentacije i podataka, gdje se korisnici podataka napominju da dokumentaciju i podatke mogu koristiti isključivo u skladu sa propisima: za lično informisanje, statističku obradu i prezentaciju, naučno-istraživačku obradu i prezentaciju, za potrebe izvršavanja nadležnosti zakonodavnih, sudskih i izvršnih organa vlasti i za komercijalne potrebe, te da je zabranjeno ustupanje trećim licima, distribuiranje ili objavljivanje podataka i izvještaja u izvornom obliku, shodno odredbama Zakona o Registru i Pravilnika.

Na kraju, a u skladu sa članom 13. stav (1) Pravilnika, FIA sa korisnicima podataka koji ispunjavaju propisane uslove za ustupanje prava na korištenje podataka iz Registra finansijskih izvještaja zaključuje pojedinačne ugovore, i to na osnovu prethodno podnesenog zahtjeva.

Slijedom naprijed izloženog, evidentno je da FIA postupa i djeluje isključivo u okvirima zakonske i podzakonske regulative, te da, poštujući načelo javnosti podataka, prilikom ustupanja prava na korištenje podataka iz Registra finansijskih izvještaja ne preferira niti jednog eventualnog korisnika istih, već javnim putem poziva sva zainteresovana pravna lica koja ispunjavaju zakonom propisane uslove da dostavljanjem zahtjeva učestvuju u predmetnom ustupanju.

2. Odredbama člana 17. stav (2) Zakona o FIA-i je propisano da se raspoređivanje viška prihoda nad rashodima obavlja u iznosu koji utvrđuje Upravni odbor uz prethodnu saglasnost ministra, te da se u tekućoj finansijskoj godini višak prihoda nad rashodima može izdvojiti za formiranje općih rezervi najviše do visine od 20% ostvarenog viška prihoda nad rashodima i za razvoj djelatnosti FIA-e najviše do visine od 30% ostvarenog viška prihoda nad rashodima, dok je ostatak viška prihoda nad rashodima nakon raspoređivanja u opće rezerve i za razvoj djelatnosti FIA-e vanredni prihod federalnog budžeta.

Shodno navedenom, a u svrhu realizacije zakonom propisanih nadležnosti, neophodna je prethodna saglasnost federalnog ministra finansija/financija na raspodjelu viška prihoda nad rashodima FIA-e. S tim u vezi, FIA na godišnjem nivou pribavlja neophodnu prethodnu saglasnost, nakon čega Upravni odbor FIA-e donosi odluku o raspoređivanju viška prihoda nad rashodima, te se isti raspoređuje kako je to i utvrđeno zakonskim odredbama, odnosno:

- 20% iznosa za potrebe formiranja općih rezervi FIA-e,
- 30% iznosa za potrebe razvoja djelatnosti FIA-e i
- 50% iznosa u korist federalnog budžeta.

S poštovanjem,

Dostaviti:

- Naslovu;
- Sektoru za pravne i zajedničke poslove.

